

Հավելված N 4

ՀՀ պետական եկամուտների կոմիտեի նախագահի
«05» հունիս 2023թ. N 560-Լ հրամանի
(05100030) / (191023) / (1155/6/1)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԱՐԵՎԵԼՅԱՆ ՄԱՔՍԱՏՈՒՆ-ՎԱՐՉՈՒԹՅՈՒՆ

(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«19» հոկտեմբեր 2023 թ.
(ամսաթիվը)

ք. Վանաձոր
(կազմման վայրը)

Ես՝ ՀՀ պետական եկամուտների կոմիտեի Արևելյան մաքսատուն-վարչության
(ստորաբաժանման անվանումը)

ղեկավար Հայկ Միրզոյանս, քննելով՝ Լազր Հմայակի Նազարյանի (անձն.՝ AT0660986,
հասցե՝ Տավուշի մարզ, գ. Կիրանց, 5փ., 1փկղ., տուն 3)

(քննելով անձի անվանումը, կազմակերպարարական տեսակը, ՀՀՀՀ, սխառական գրանցման/քննության հասցեն, փաստացի գործունեություն

հասցեն / քննելով անձի անունը, ազգանունը, անձր հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Ձ Ե Ց Ի

Լազր Նազարյանի անվամբ 31.03.2023 թվականին լրացվել է թիվ
05100033/310323/0026403 տարանցման հայտարարագիր, որով Դամուար գրուպ մաքսային
հսկողության պահեստ է տեղափոխվել ապրանքներ: 03.04.2023 թվականին վերը նշված
ապրանքը հասցվել է նշանակման վայր և նույն օրը հանձնվել է մաքսային մարմինների
ժամանակավոր պահպանմանը: Ժամանակավոր պահպանման ժամկետը ավարտվել է
05.08.2023 թվականին: Նշված ապրանքի վերաբերյալ սահմանված ժամկետում Լազր
Նազարյանը հայտարարագիր չի ներկայացրել:

Փաստի առթիվ 21.08.2023 թվականին Լազր Հմայակի Նազարյանի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 304-րդ հոդվածի հատկանիշներով:

Նշանակվել է վարչական վարույթի քննություն և գործի քննություն, որը հետաձգվել է և ծանուցագիրը և կից արձանագրության մեկ օրինակը ուղարկվել է Լ. Նազարյանի հասցեով /հասցեն համընկնում է ՀՀ ՆԳՆ Միգրացիայի և Քաղաքացիության ծառայության կողմից տրամադրված հասցեի հետ /, ինչպես նաև ուղարկվել է վերջինիս բնակավայրի վարչական ղեկավարին, սակայն որևէ պատասխան չի ստացվել:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ «Ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի»:

Նույն օրենսգրքի 110-րդ հոդվածի 1-ին կետի համաձայն՝ «Միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում»:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն»:

Նույն հոդվածի 2-րդ մասի համաձայն՝ «Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 304-րդ հոդվածի համաձայն՝ «Սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը, առաջացնում է տուգանք՝ ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

Վարչական վարույթի նյութերի ուսումնասիրության ընթացքում պարզվել է, որ 2023 թվականի ապրիլի 03-ին մաքսային մարմինների ժամանակավոր պահպանմանը հանձնված ապրանքների վերաբերյալ սահմանված ժամկետում մաքսային հայտարարագիր չի ներկայացրել:

Այսպիսով, վարույթի նյութերով հիմնավորվում է, որ Լազր Նազարյանի արարքում առկա է «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտման հատկանիշներ:

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 304-րդ, 322-րդ, 334-րդ հոդվածները և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածները՝

(իրավական ակտի անվանումը, հոդվածը)

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար Լազր Հմայակի Նազարյանին ենթարկել վարչական պատասխանատվության՝ տուգանելով **30000 (երեսուն հազար) ՀՀ դրամի չափով:**

(նշվում է վարչական տույժ նշանակելու մասին կայացված որոշումը)

2. Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն՝ որոշումն ուժի մեջ է մտնում այն կայացնելու պահից և համաձայն նույն հոդվածի 4-րդ մասի՝ Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Արևելյան մաքսատուն-վարչության

Ղեկավար՝
(անուն, ազգանուն)

ՀԱՅԿ ՄԻՐԶՈՅԱՆ

(ստորագրություն)

(ստորագրական անվանումը)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված փուլի գումարը ենթակա է վճարման Կենտրոնական
գանձապետարանի №900005024055 հաշվեհամարին 29 ծածկագրով:
Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի
մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի
Հանրապետության հարկադիր կադարումն ապահովող ծառայություն:
Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի
335-րդ հոդվածով սահմանված կարգով և ժամկետներում: